



UNIVERSITÄTS-  
BIBLIOTHEK  
PADERBORN

# **Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Emblema 12. Sol radios da, plectra canent.

---

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

3. *Medium cor inter alas*
4. *Ardens ijs radijs, quos oculi adspirant cordi.*
1. *Christus & Ioannes*
2. *Se mutuo adspiciunt,*
3. *Cor mutuum unde concipit*
4. *Amoris flammam.*

**A** B gemino gremio, geminoque ab pectore flammam  
 Haurit, & alterno transferit igne puer.  
 Unde pares concors conspirat ocellus in ignes,  
 Quos peperit cordis lynceus hospes Amor.  
 Nec loquar occultos geminâ sub matre susurros,  
 Unde pias animant bina flabella faces.  
 Tam bene si concors iubar adflat ocellus ocello,  
 An geminis geminum quis putet esse caput?

### N O T Æ.

**Radios.** Igniculi è corde amantis exsiliunt in oculos, qui inde suos radios alienos in oculos transmittunt, & cor itidem in amorem accendunt mutuum. Vtrimque ex oculis emicantes radij. D. Basil. de Virginitate è Platone An nescis, oculi sunt in amore duces, Prop. Adde & faces.

**Ioannes à Christo illuminatur, & loqui discit, vt Memnonis statua orientis radijs ic̃ta.**

*Emblema 12.*

**Sol radios da, plectra canent.**

1. *Caput ærum stat in*
2. *Candida basi, cuius*

3. *Oris*

3. Ori adflat
4. Aurora
5. Radium, unde ex
6. Ore ventulus procedit.
1. Ioannes originali peccato infectus,
2. Sancta Elisabeth,
3. Ioannis anima
4. Gratia ortus
5. Beneficium purgandi peccati & lucem, è qua,
6. Loqui membris nunc, & postmodum ore possit,  
& incipiat.

### AD MEMNONEM.

**Q**uâ nouus inuehitur rosco sol ardua curru,  
 Euoluitque rubro nubila vela mari,  
 Os radio propiore redux tibi libat Eous,  
 Et legit auratis oscula clara genis;  
 Tum quid agis vigil auroræ, qui filius audis?  
 Hoc radio an plectro? ceu lyra dulce canis.

### PALINODIA.

**F**abula sed Memnon, magici de carmine rhombi,  
 Vox sonat è ficto Memnone vera puer,  
 Ad pueri radios ( puer alter Eous Eoo est )  
 Muta prius, Verbi Vox modò lata sonat.

### IOANNES ACCINIT.

**V**irgo, puerque pio me tangit & vrit ocello,  
 Nec vigil è gemino Vox ego sole loquar?  
 O valeant vinctæ morosa silentia linguæ.  
 Virgo, puerque meæ sol it vterque lyra,

*Memno.*

Memnonis Æthiopi, qui fingitur Aurora filius, statua celebris in Ægypto, vbi orientis solis radio tangitur, arte magicâ quid bene sonat. Vti est expertus Strabo. Plerique veterum meminere: de quo sic Iuuen.  
*Magico resonant de Memnone chorda.*

Per B. Virginem fons gratiæ è Christo  
 in Ioannem & Elisabetham influit.

Imago 13.

*Arduus ima rigat.*

1. Fons salit è
2. Lilio in
3. Monte rotundo,
4. Riuus septemfluus irrigat
5. Flores in monte enatos, &
6. Obit montem,
1. Christus è
2. Beata Virgine in
3. Montanis iudea,
4. Septem dona Spiritus Sancti sese infundunt in
5. Elisabetham & Ioannem
6. Perpetua in gratia.

**M**ontanis pia Virgo iugis decurrit ad Hebron,  
 Tecta sub ima quibus mater Elisa sedet.  
 Sic Mariæ fons fonte fluit, fons largus Amoris,  
 Hinc vt Elisa bibas ceu caua vallis aquas.

Ioannes